

LAMPIRAN A**SKIM PERKHIDMATAN
PENSYARAH UNIVERSITI**

KLASIFIKASI : PERKHIDMATAN PENDIDIKAN
KUMPULAN PERKHIDMATAN : PENGURUSAN DAN PROFESIONAL
TARIKH KUAT KUASA : 1 SEPTEMBER 2010

Gred	Jadual Gaji Matriks			
Gred DS45	: P1T1	RM2546.05	- P1T21	RM5484.96
	P2T1	RM2642.06	- P2T21	RM5788.25
	P3T1	RM2742.25	- P3T21	RM6113.85
Gred DS51	: P1T1	RM4573.47	- P1T10	RM6439.44
	P2T1	RM4789.15	- P2T10	RM6730.27
	P3T1	RM5013.18	- P3T10	RM7029.45
Gred DS52	: P1T1	RM4573.47	- P1T10	RM6439.44
	P2T1	RM5013.18	- P2T10	RM7029.45
Gred DS53	: P1T1	RM4842.03	- P1T10	RM6797.08
	P2T1	RM5057.71	- P2T10	RM7117.13
	P3T1	RM5281.74	- P3T10	RM7448.31
Gred DS54	: P1T1	RM4842.03	- P1T10	RM6797.08
	P2T1	RM5281.74	- P2T10	RM7448.31
Gred Khas C	:	RM6595.99	-	RM 9480.90
Gred Khas B	:	RM7145.00	-	RM10270.05
Gred Khas A	:	RM7766.66	-	RM11164.94
Gred Khas Turus III	:	RM 8625.16	-	RM12523.75
Gred Khas Turus II	:	RM 9483.65	-	RM13770.29
Gred Khas Turus I	:	RM10300.00	-	RM14955.60

SYARAT LANTIKAN

1. Calon bagi lantikan hendaklah memiliki kelayakan seperti berikut:-

- (a) warganegara Malaysia;
- (b) berumur tidak kurang dari 18 tahun pada tarikh tutup iklan jawatan;

Kelayakan Untuk Lantikan Ke Gred DS45

(c) (i) ijazah sarjana dalam bidang berkaitan yang diiktiraf oleh kerajaan daripada institusi-institusi pengajian tinggi tempatan atau kelayakan yang diiktiraf setaraf dengannya; atau

(ii) ijazah Sarjana Muda Seni Bina atau diploma lanjutan dalam bidang berkenaan yang diiktiraf oleh kerajaan daripada institusi-institusi pengajian tinggi tempatan atau kelayakan yang diiktiraf setaraf dengannya serta telah berdaftar penuh dengan Lembaga Arkitek Malaysia; atau

(iii) ijazah Doktor Perubatan Veterinar dan diploma lanjutan dalam bidang berkenaan yang diiktiraf oleh kerajaan daripada institusi-institusi pengajian tinggi tempatan atau kelayakan yang diiktiraf setaraf dengannya; atau

(iv) kelayakan Perubatan Veterinar yang berdaftar sebagai Doktor Veterinar di bawah Jadual II Bahagian I, Akta Doktor Veterinar 1974 dan diploma lanjutan dalam bidang berkenaan yang diiktiraf oleh kerajaan daripada institusi-institusi pengajian tinggi tempatan atau kelayakan yang diiktiraf setaraf dengannya.

(Gaji permulaan ialah pada Gred DS45: P1T4);
atau

(v) ijazah doktor falsafah (Ph.D) dalam bidang berkaitan yang diiktiraf oleh kerajaan daripada institusi-institusi pengajian tinggi tempatan atau kelayakan yang diiktiraf setaraf dengannya.

(Gaji permulaan ialah pada Gred DS45: P1T4);

dan (d) kepujian Bahasa Malaysia/ Bahasa Melayu (termasuk lulus Ujian Lisan) pada peringkat Sijil Pelajaran Malaysia atau kelulusan yang diiktiraf setaraf dengannya oleh kerajaan.

Kelayakan Untuk Lantikan Ke Gred DS51

(e) (i) mempunyai kelayakan di perenggan 1(c) dan (d) di atas;

- (ii) membuktikan tahap kecemerlangan akademik yang istimewa mutunya; dan
- (iii) mempunyai pengalaman berkaitan yang luas dalam bidang-bidang berkenaan.

**Kelayakan Untuk Lantikan Ke Gred DS53
(Profesor Madya)**

- (f) (i) mempunyai kelayakan di perenggan 1(c) dan (d) di atas;
- (ii) membuktikan tahap kecemerlangan akademik yang sangat istimewa mutunya; dan
- (iii) mempunyai pengalaman berkaitan yang luas dalam bidang-bidang berkenaan.

**Kelayakan Untuk Lantikan Ke Gred Khas C
(Profesor)**

- (g) (i) mempunyai kelayakan di perenggan 1(c) dan (d) di atas;
- (ii) membuktikan tahap kecemerlangan akademik yang terkemuka mutunya; dan
- (iii) mempunyai pengalaman berkaitan yang luas dalam bidang-bidang berkenaan.

**PENETAPAN GAJI
PERMULAAN**

- 2. Gaji permulaan yang lebih tinggi atas P1 Gred DS45, DS51, DS53 atau Gred Khas C boleh ditetapkan oleh Pihak Berkuasa Melantik berkenaan berasaskan kepada pengalaman kerja atau kepakaran berkaitan.

TEMPOH PERCUBAAN

- 3. Pensyarah Universiti yang dilantik adalah dikehendaki berkhidmat dalam tempoh percubaan selama 1 hingga 3 tahun.

LATIHAN

- 4. Pensyarah Universiti boleh dikehendaki mengikuti latihan yang ditetapkan oleh ketua jabatan/Ketua Perkhidmatan yang berkenaan.

**KURSUS INDUKSI/
PEPERIKSAAN**

- 5. Pensyarah Universiti dalam percubaan adalah dikehendaki hadir dengan jayanya kursus induksi yang ditetapkan oleh ketua jabatan/Ketua Perkhidmatan yang berkenaan.

**PENGESAHAN DALAM
PERKHIDMATAN**

- 6. Pensyarah Universiti yang dilantik adalah layak disahkan dalam perkhidmatan apabila telah:-
 - (a) memenuhi tempoh percubaan;
 - (b) hadir dengan jayanya kursus induksi yang ditetapkan; dan
 - (c) diperakukan oleh ketua jabatan/Ketua Perkhidmatan.

**PERGERAKAN GAJI
TAHUNAN**

7. Pergerakan gaji tahunan adalah tidak automatik dan akan ditetapkan oleh ketua jabatan/Ketua Perkhidmatan berdasarkan prestasi perkhidmatan.

**PENILAIAN TAHAP
KECEKAPAN**

8. Pensyarah Universiti hendaklah melepasi penilaian tahap kecekapan yang ditetapkan oleh ketua jabatan/Ketua Perkhidmatan untuk kenaikan pangkat.

**KENAIKAN PANGKAT
KE GRED DS52**

9. Pensyarah Universiti Gred DS45 adalah layak dipertimbangkan bagi kenaikan pangkat ke jawatan Pensyarah Universiti Gred DS52 apabila telah:-

- (a) disahkan dalam perkhidmatan;
- (b) mencapai tahap kecemerlangan akademik yang **istimewa mutunya** dan syarat-syarat lain yang munasabah yang ditetapkan oleh Lembaga Pengarah Universiti;
- (c) melepasi semua penilaian tahap kecekapan yang ditetapkan; dan
- (d) diperakukan oleh ketua jabatan/Ketua Perkhidmatan.

**KENAIKAN PANGKAT
KE GRED DS54
(PROFESOR MADYA)**

10. Pensyarah Universiti Gred DS51/52 adalah layak dipertimbangkan bagi kenaikan pangkat ke jawatan Pensyarah Universiti Gred DS54 apabila telah:-

- (a) disahkan dalam perkhidmatan;
- (b) mencapai tahap kecemerlangan akademik yang **sangat istimewa mutunya** dan syarat-syarat lain yang munasabah yang ditetapkan oleh Lembaga Pengarah Universiti;
- (c) melepasi semua penilaian tahap kecekapan yang ditetapkan; dan
- (d) diperakukan oleh ketua jabatan/Ketua Perkhidmatan.

**KENAIKAN PANGKAT
KE GRED KHAS C
(PROFESOR)**

11. Pensyarah Universiti Gred DS53/54 adalah layak dipertimbangkan bagi kenaikan pangkat ke jawatan Pensyarah Universiti Gred Khas C apabila telah:-

- (a) disahkan dalam perkhidmatan;
- (b) mencapai tahap kecemerlangan akademik yang **terkemuka mutunya** dan syarat-syarat lain yang munasabah yang ditetapkan oleh Lembaga Pengarah Universiti;
- (c) melepasi semua penilaian tahap kecekapan yang ditetapkan; dan
- (d) diperakukan oleh ketua jabatan/Ketua Perkhidmatan.

**KENAIKAN PANGKAT
KE GRED KHAS B
(PROFESOR)**

12. Pensyarah Universiti Gred Khas C adalah layak dipertimbangkan bagi kenaikan pangkat ke Pensyarah Universiti Gred Khas B apabila telah:
- (a) disahkan dalam perkhidmatan;
 - (b) mencapai tahap kecemerlangan akademik yang **sangat terkemuka mutunya** dan syarat-syarat lain yang ditetapkan oleh Lembaga Pengarah Universiti; dan
 - (c) diperakukan oleh ketua jabatan/Ketua Perkhidmatan.

**KENAIKAN PANGKAT
KE GRED KHAS A
(PROFESOR)**

13. Pensyarah Universiti Gred Khas B adalah layak dipertimbangkan bagi kenaikan pangkat ke Pensyarah Universiti Gred Khas A apabila telah:
- (a) disahkan dalam perkhidmatan;
 - (b) mencapai tahap kecemerlangan akademik yang **luar biasa mutunya** dan syarat-syarat lain yang ditetapkan oleh Lembaga Pengarah Universiti; dan
 - (c) diperakukan oleh ketua jabatan/Ketua Perkhidmatan.

**KENAIKAN PANGKAT GRED
DS45 KE GRED DS54
(PROFESOR MADYA) DALAM
KEADAAN ISTIMEWA**

14. Pensyarah Universiti Gred DS45 yang telah disahkan dalam perkhidmatan dan melepasi semua penilaian tahap kecekapan yang ditetapkan serta menunjukkan kecemerlangan akademik yang **sangat istimewa mutunya** adalah layak dipertimbangkan bagi kenaikan pangkat terus ke Gred DS54.

**KENAIKAN PANGKAT GRED
DS45 KE GRED KHAS C
(PROFESOR) DALAM
KEADAAN ISTIMEWA**

15. Pensyarah Universiti Gred DS45 yang telah disahkan dalam perkhidmatan dan melepasi semua penilaian tahap kecekapan yang ditetapkan serta menunjukkan kecemerlangan akademik yang **terkemuka mutunya** adalah layak dipertimbangkan bagi kenaikan pangkat terus ke Gred Khas C.

**KENAIKAN PANGKAT GRED
DS51/52 KE GRED KHAS C
(PROFESOR) DALAM
KEADAAN ISTIMEWA**

16. Pensyarah Universiti Gred DS51/52 yang telah disahkan dalam perkhidmatan dan melepasi semua penilaian tahap kecekapan yang ditetapkan serta menunjukkan kecemerlangan akademik yang **terkemuka mutunya** adalah layak dipertimbangkan bagi kenaikan pangkat terus ke Gred Khas C.

**KENAIKAN PANGKAT GRED
KHAS C KE GRED KHAS A
(PROFESOR) DALAM
KEADAAN ISTIMEWA**

17. Pensyarah Universiti Gred Khas C yang telah disahkan dalam perkhidmatan dan menunjukkan kecemerlangan akademik **luar biasa mutunya** adalah layak dipertimbangkan bagi kenaikan pangkat terus ke Gred Khas A.

**KENAIKAN PANGKAT
KE GRED KHAS TURUS III
(PROFESOR ULUNG)**

18. Pensyarah Universiti Gred Khas A adalah layak dipertimbangkan kenaikan pangkat ke jawatan Pensyarah Universiti Gred Khas Turus III apabila telah:
- (a) disahkan dalam perkhidmatan;
 - (b) mencapai tahap kecemerlangan keserjanaan yang **terkemuka mutunya** dan syarat-syarat lain yang

ditetapkan oleh kerajaan; dan

(c) diperakukan oleh ketua jabatan/Ketua Perkhidmatan.

**KENAIKAN PANGKAT
KE GRED KHAS TURUS II
(PROFESOR ULUNG)**

19. Pensyarah Universiti Gred Khas Turus III adalah layak dipertimbangkan kenaikan pangkat ke jawatan Pensyarah Universiti Gred Khas Turus II apabila telah:

(a) disahkan dalam perkhidmatan;

(b) mencapai tahap kecemerlangan keserjanaan yang **luar biasa mutunya** dan syarat-syarat lain yang ditetapkan oleh kerajaan; dan

(c) diperakukan oleh ketua jabatan/Ketua Perkhidmatan.

**KENAIKAN PANGKAT
KE GRED KHAS TURUS I
(PROFESOR ULUNG)**

20. Pensyarah Universiti Gred Khas Turus II adalah layak dipertimbangkan kenaikan pangkat ke jawatan Pensyarah Universiti Gred Khas Turus I apabila telah:

(a) disahkan dalam perkhidmatan;

(b) mencapai tahap kecemerlangan keserjanaan yang **unggul mutunya** dan syarat-syarat lain yang ditetapkan oleh kerajaan; dan

(c) diperakukan oleh ketua jabatan/Ketua Perkhidmatan.

**KENAIKAN PANGKAT KE
JAWATAN KETUA
EKSEKUTIF**

21. Pensyarah Universiti Gred Khas C dan ke atas adalah layak dipertimbangkan kenaikan pangkat ke gred lebih tinggi dalam jawatan Ketua Eksekutif yang kosong apabila telah:-

(a) disahkan dalam perkhidmatan;

(b) mencapai tahap kecemerlangan akademik yang **luar biasa mutunya** dan syarat-syarat lain yang ditetapkan oleh Lembaga Pengarah Universiti;

(c) telah terbukti kemampuan dari segi pengalaman dan sumbangan dalam bidang pengajian tinggi; dan

(d) diperakukan oleh ketua jabatan/Ketua Perkhidmatan.

Nota: Skim perkhidmatan ini membatalkan skim perkhidmatan terdahulu yang berkuat kuasa pada 1.9.2007 [Lampiran A dan A1 - Pekeliling Perkhidmatan Bilangan 20 Tahun 2008, JPA(S)324/14/9-6 Klt. 7 (28)]